

ԱՆՏԻՊ ԷՋԵՐ
ՉԱՐՄԱՀԱԼԻ ԺՈՂՈՎՐԴԱԿԱՆ ԱՌԱԿՆԵՐԻՅ
ԵՒ ՍՐԱՄՏՈՒԹԻՒՆՆԵՐԻՅ

Ա.

Հայ ժողովրդական ստեղծագործութիւնները մէջ առանձնապատուել տեղ են զբաղում առականներն ու սրամտութիւնները (անեկզոտները), որոնք իրենց հիմնական կառուցուածքով եւ էութեամբ փոքրիկ պատմութեանքներ են եւ նկարագրում են մի որեւէ երեւոյթ մարդկանց կամ կենդանիների կեանքից:

Հայ բանահիւսութեան այդ թանկագին նիւթերը զբաղւել են իրենց սրամտութեամբ եւ խրատական ու այլարանական երանգաւորումներով, որոնք սերտ կերպով ներդաշնակելով իրական կամ երեւակայական պատկերների հետ, կազմում են մի անբաժան ամբողջութիւն:

Սակայն, առականների եւ սրամտութիւնների զլխաւոր առանձնապատկութիւնն երկրի զիջական երանգն է եւ զուարճախօսութիւնը, որոնք մերկացնում են ու հեղնում անհատական, բնութանական եւ հասարակական կեանքի բարոյական թերութիւնները, մոլութիւնները, միաժամանակ քննադատում տիրող նախապաշարումները, յետամնացութիւնն ու տգիտութիւնը: Այդ տեսակէտից էլ առականներն ու սրամտութիւնները գաստիարակչական բնոյթ ունեն եւ հայ բանահիւսութեան պատմութեան համար առանձին արժէք են ներկայացնում:

Կենցաղային, երգիծական եւ ազգայրական այդ նիւթերի մէջ խոշոր դեր են կատարում ժողովրդի մտքի սրութիւնը, իմաստութիւնը, փորձառութիւնը, քննադատական տարրերը եւ քնարական ապրումները, իսկ պատկերաւորութիւնն ու դրամատիզմութիւնն առանձին փայլ են տա-

լիս նիւթերի բովանդակութեանը եւ խորացնում ընդհանուր տպաւորութիւնը:

Բայց կան առականներ եւ անեկզոտներ, որոնք խրատական-բարոյախօսական դադարով պարզ դոյներով չեն արտայայտում, այլ թողնում են, որ իրենք ընթերցողներն ըմբռնեն նիւթի էական միաբեր:

Ընդդէմը նաեւ այն, որ քաղաքներում եւ գիւղերում կան յատուկ վարպետ առականներ պատմողներ եւ սրախօսողներ, որոնք հրապարակ են դալիս ժողովրդական խնջոյքներում, բնութանական հանդէսներում եւ իրենց սրամիտ, զուարճալի պատմութիւններով ժողովականներին ծիծաղեցնում եւ անսահման ուրախութիւն են պատճառում:

Բ.

Չարմահալի հայ ժողովրդական բանահիւսութիւնը եւս հարուստ է գունաւեղ առականներով եւ սրամտութիւններով, որոնց հիմնական մասը հայ գեղջուկներին աւանդ են մնացել 1606 թուին, Շահ-Արբաս Ա. ի բռնի դադարի ժամանակ, Հայաստանից եկած իմաստուն, զրաւէր եւ շինարար պապերից: Այնուհետեւ յորինուել են բազմաթիւ նոր առականներ ու սրամտութիւններ եւ հարստացրել են Չարմահալի ժողովրդական բանահիւսութեան դանձարանը: Այնտեղ գեղջուկների սրամտութեան ու իմաստութեան հետ այլարանօրէն հանդէս են դալիս բնութանական, կենցաղային եւ հասարակական կեանքի որոշ թերութիւններն ու պակասութիւնները, յոռի բարքերն ու սխալները: Գծադրում են նաեւ գեղջուկ ժողովրդի տարրեր կերպարները - գիւղացին, պարոնը, ծառան,

հովիւր, քահանան, թաղաւորը, ոստիկանը, մարդն ու կինը, հարսն ու սկեսուրը եւ այլ իրական դէմքեր: Տեսնում էք նաեւ պատկերներ կենդանական աշխարհից:

Այդ սրամտութիւններն արժանի են ուշադրութեան նաեւ լեզուական տեսակէտից, որովհետեւ հարստացնում են Չարմահալի ժողովրդական բարբառի դանձարանը:

Արձանագրենք եւ այն, որ Չարմահալի գեղջուկները մէջ եւս կան առականներ եւ անեկզոտներ պատմող վարպետներ, որոնք ձմեռուայ երկար դիչերներն օթախներում, թոնրի շուրջը համախմբուած, գեղջուկների համար պատմում են նորա-նոր առականներ եւ սրամտութիւններ եւ ուրախ դրացումներով համախում ունիւնդիրներին:

Ընդդէմը, սակայն, որ Չարմահալի առականներն ու սրամտութիւնները մինչեւ օրս էլ զրի չեն առնուել եւ անտիպ են մնացել: Ահա այդ կարեւոր նիւթերը 1920 եւ 1946 թուականներին գեղջուկների շրթերից զրի առինք, երբ Չարմահալի հայաբնակ գիւղերում ուսումնասիրում էինք նրանց ազգադրութիւնն ու տնտեսական դրութիւնը: Այդ նիւթերն էլ այսօր հրատարակում ենք «Բաղմալէպ»ում եւ յանձնում հայ ժողովրդական բանահիւսութեան պատմութեանը: Գծենք դրանց պատկերը:

1. Գողն ու անցուորականը

Մէ գող քչերով մէգի դռան դուրսը խարտոցով կտրում էր. մէ անցուորական անց կենալիս մօտեցաւ էտ մարթուն եւ սաց. «Էստէղ ի'նչ ես անում, կարծես մէ բանի վրայ ես»: Գողն սաց. «Հա', սաղ եմ ածում»: Անցուորականն սաց. «Էտ ի'նչ սաղ է, օր ձէն չունի»: Գողը պատասխանեց. «Էտ սաղի ձէնը էքուց կ'իմանաս»:

2. Երգիչն ու դաբաւորը

Մէ երգիչ իր երգելով դաբաւորին շատ ուրախացրեց. դաբաւորը խոստացաւ, որ

վաղն իրան հզար օսկի կը տայ. դաբաւորի խօսքից երգիչն անշափ ուրախացաւ, որ էլ հաադ (սահման) չկար: Էքսի օրը երգիչն ներկայացաւ դաբաւորին, որ իր հաշիւն ստանայ: Դաբաւորն ասաւ. «Ինչ հաշիւ, էրէկ քչեր մէ բան դու ասիր, ես ուրախացայ, մէ բան էլ ես ասի, դու ուրախացար, էլ մեր մէջ հաշիւ չմնաց»:

3. Հալվա ծախողն ու իր կինը

Մէ ազգատ մարթ իրիդունը իր կնոյն ասաւ. «Ա'յ կնի'կ, հարստանալու ճամբէն ճարել եմ»: Կինը հարցրեց. ի՞նչպէս. մարթն ասաւ. «Հալվա կը շինեմ ու կը ծախեմ»: Կինը պատասխանեց. «Հալուէն եղ կ'ուղի, շաքար կ'ուղի, մէնադ ալըրով չի ըլնի. դու ո'րդեղից ունես, որ հալվայ չինես ու ծախես»: Մարթն ասաւ. «Մէնադ ցամաք ալըրով կը շինեմ. ո'չ եղ եւ ոչ էլ շաքար կը խառնեմ»: Կինը պատասխանեց. «Երբ մարդիկ համն առան ու տեսան, որ լաւը չէ, չեն առնի»: Մարթն ասաւ. «Աշխարհում անփորձ մարթիկ շատ կան. եթէ դրանցից ամէն մէկը մէ անգամ իմ հալուից առնի, ես փառաւոր կը հարստանամ»:

4. Գէլ, քէ մարդ

Ոչխարին դէլի բերնից խլեցին եւ նա շատ ուրախացաւ, որ դէլից փրգւել է: Բայց ժամանակ չքաշեց, տեսաւ որ իրա փրգողի ճանդերու մէջ է եւ դանակ է սրում, որ իրան մորթի, ասաց. «Օղջար-ներս թէ' դէլի փայ ենք եւ թէ' մարթա-դէլի. մեր հրմար փրգութիւն չկայ. մենք ուսուելու բաժին ենք»:

5. Պարոնը եւ ծառէն

Մէ պարոն մէ ծառայ ունէր, բայց տան մէջ քնելու տեղաշոր չունէր. քնում էր իր վերարկուի մէջ եւ բարցն էլ իր դօղիքն էր շինում: Մէ առաւօտ պարոնը ձէն տըւեց. «Ա'յ աղա'յ, արի քնելու տեղաշորերը հաւաքիր»: Ծառան պատասխանեց. «Լա'ւ, դու քո շորերը հաղիր, ինչ մնաց, ես վեր կը հանեմ»:

6. Գիւղացի տէրտէրը

Գիւղացի տէրտէրը մկրտելու ժամանակ պղտիկ էրէխին դրեց աւազանի տաք ջրի մէջ. էրէխէն չկարողանալով տաքութեանը դիմանալ, մեռաւ: Տէրտէրը ձէն տըւեց. «էս չէլաւ, մէ ուրիշ էրէխայ բէրէք»:

7. Կողոպտուածը

Մէ մարդուց զողերը տասը թօփ կտաւ տարան. կողոպտուած մարդը ինքն իրան միթարում ու ասում էր. «Աչկէները զուս դա, մէ 2-3 թօփից ամէն մէկից իրեք գեաղ կտրած էր»:

8. Կոյրը եւ իր կինը

Մէ կոյրի կին իրան էսպէս գովեց. «Ա՛յ մարթ, թէ աչքերդ ինձ տեսնէին, կը զարմանիր իմ սիրունութեան վրայ»: Կոյրը պատասխանեց. «Երբ էգքան սիրուն իր, ի՞նչպէս միթոն աչք ունեցող մարթիկ կէին, քէզի չառան, օր ինձպէս մէ քօռ մարթու զուշար էլար»:

9. Կիսագրագէտ տէրտէրը

Մէ տէրտէրի եփ ասէին «Օճնեայ (օրհնեայ) տէ՛ր», նա պատասխանը չէր իմանում, որ ասէր. «Աստուած օճնի»: Պատասխանը մի կտոր փէտի վրայ գրել էր եւ կտաւ էր տուել կողքին: Երբ ժողովուրդից մէկը բարեւ տար, կը նայէր տախտակին եւ պատասխանը կը տար: Մի օր էլ զիւզի քեաղխուղէն պատահեց եւ ասաց. «Օճնեա տէր»: Այս անգամ տախտակը փէշի տակն էր մնացել. նայեց՝ չտեսաւ տախտակը որ գրուածով պատասխանէր, ուստի ասաց. «Փէշիս տըկինը քէզի օճնի»:

10. Աղփատը

Գիւղում մէկն աղքատացել էր. ասին. «Ո՛ւր ես էգքան աղքատ»: Նա պատասխանեց. «Ջանամ, մենք իշու եղբնդած

ենք». ուղում է ասել, թէ մեր իշանը սատկեցին, մենք էլ աղքատացանք»:

11. Ժլատ պարոնը եւ ծառան

Մէ հարուստ մարդ իր ծառային ասաց. «Այ տղա՛, դնա՛, մէ գանա բարակ թաղի շուն ճարիր էս մեր դարբունի (տան) հըմար»: Ծառան դնաց ու կատարեց իր առարի ասածը, հապ բէրած շունը թաղէ չէր, այլ մէ գեարդանքօրօֆարթոտ շուն էր: Առարը եփ շանը տեսաւ, ասաց. «Այ տղայ, ես ասի՛ դնա՛ թաղի բի (բեր), դու էս մեծ, գեալի (հօտի) շունն ես վե կալի բերի»: Ծառան պատասխանը տուեց. «Առար ջա՛ն, էս գարը բունը որ դու ունես, էգ էլ մէ քանի օրից ես, հաց չուտելով, թաղի կը դառնայ»:

12. Տիկին Շաքարը

Խեղճ տիկ. Շաքարը մեռել էր: Դրդու կնիկն էկաւ տուն եւ իրա մարթուն ասաց. «Ա՛յ մարդ, լալման Շաքարը մեռել է»: Իրանց աղջիկն ասաց. «Նանա՛, չաքարը, որ մեռել է, բա էստից դէն ինչու՞ չայ կը դմենք»:

13. Տանուտէրն ու տիրացուն

Մամուտան գէղի տանուտէր Ղուկաս Կարապետեանը մէ օր տիրացուն ասաց. «Մէ թուղթ վեկալ ու մեր գէղի դժերի անումները գրիր, տեսնեմ քանի՞ դանա են»: Տիրացուն ասաւ. «Բարի է»: Մէ թուղթ ու պէսի վեկալաւ ու թղթի վրայ ավալի անումը տանուտէր Ղուկասինը գրեց. դուրսարա մէ քանի հոքու անում էլ գրեց ու տուեց Ղուկասին: Երբ տանուտէրն իր անումը կարթաց, մարթ տարաւ ու ասաց. «Ողորմելի՛, ես որդէզի գիժն եմ, որ իմ անումը թղթի վրեւի մասումն ես գրի»: Տիրացուն պատասխանեց. «էն օրսանից ես գիտեի, որ հինգ հզար փող ես տուէ մէ լօթի, որ քու հմար խալի բերի»: Տանուտէրն ասաւ. «Հալբաթ օր կը

բերի»: Տիրացուն պատասխանեց. «Լա՛ւ, եփ օր լօթը խալիքը բերեց, քու անումը կը ջնջեմ, էնդուրը կը դրեմ»:

14. Մոլլա Նասրադինը եւ ձուրը

Մոլլա Նասրադինը ձուրը կպցրել էր քնթին եւ ետվալ-ետվալ տուն էր էրթում: Մարթիք հարց տուին. «Մոլլա՛, ձուրն ո՞ւր ես կպցրի քնթիդ»: Մոլլան պատասխանեց. «Մարթու ասըանքը դա՛րժ պիտի իրա աջիկ առջեւն ընի»:

15. «Պարսկագէտ» Հայաստանցին

Մէ Հայաստանցի Պարսկաստանուց ետ էր գնացել էրեւան. նրան հարցրին. «Պարսկերէն էլ ես սովորի՞». պատասխանեց՝ հալբաթ: Մէղը հարցրեց. «Ա՛յ գէր զիտես, զլիւն ի՞նչ կ'օսեն». ասաց՝ Սար. «Մազերուն ի՞նչ կ'օսեն», ասաց՝ Սարախոտ. «Շինքին ի՞նչ կ'օսեն», ասաց՝ «սարա կոթ»: Ասին. «Գեալին ի՞նչ կ'օսեն», ասաց՝ «Սարաման»: Լսողները հապարին ու գովեցին. «Բա՛հ-բա՛հ, ի՞նչ լաւ պարսկերէն է սորվի»:

16. Ունջուլը եւ իր կինը

— «Ա՛յ մարթ, ձեռ ու ոտ չունիս, էգ ճրաքի պատրուքը լաւ չես կարի», — ասաց կինը: Ունջուլը լուռ էր: — «Դու ասլան, — չարունակեց իր կինը, — ո՛չ մէ բանի պէտք չես. ես ասի, որ դու չես կարայ կարես»: — «Ճիշտ է, կնիկ, — պատասխանեց Ունջուլուն, — թէ ես լաւ կտրող լինէի, առաջ էգ լիզուղ կը կըտրէի, որ էգքան զօռ չըտայիր»:

17. Ամբիկահայը եւ կապիկը

Մէ մարթ գնաց Ամբիկա եւ սկսեց կաթ ծախել. կէսը ջուր էր խառնում, կէսը կաթ: Հէնց էգպէս մէ քանի հարուր օսկի աշխատեց ու ճամբայ ընդաւ եգ էրթայ իր վրայեաթը: Ճամփին մէ գէղի պոկին, ծառի տակ, քնեց հանգստացաւ: Քնած վախտ, մէ կապիկ նրա օսկիների քիտակը զողցաւ ու վիրեւ էլաւ ծառի ծէրին,

որ ծնած էր դիր գեղը: Երբ էս մարթը վարթեց քնից, տեսաւ իր օսկիների քիտակը կապիկի ձեռն է: Մտածեց՝ բա ի՞նչ անի-չանի, որ կապիկը վախել օսկիները գեղը չածի: Ետաւ մէ քար գցեց կապիկի վրայ: Կապիկն էլ սկսեց մէ օսկի գցել մարթուն, մէ օսկին դէպ ջուրը: Երբ պրծաւ, մարթն ինքն իրան ասաց. «Վալ-լահ լաւ դադաստան արաւ կապիկը, ինչ ջրից աշխատեցի, ջուրն էլ տարաւ»:

18. Մարդն ու կինը

Մէ մարթու կնիկ կէրակուր էր էփում. մարթը մէ գգալ դրեց բերանը եւ ասաց. «Աղի է»: Կինը վրայ պոծաւ, որ դղալով մարթին խփի. մարթը փախաւ կտուրը եւ ձեռքը դնելով մաջառին, կռացաւ եւ ասաց. «Ա՛յ կնիկ, մարթը էն է, որ խօսքը մէկ ընի. կէրակուրդ աղի է»:

19. Աղուէսն ու հիւանդ ուղտը

Աղուէսը նստել էր հիւանդ ըղտի մոդ, որ մեռնէր եւ միսը ուտէր. յանկարծ ուղտը աչկը քցեց աղուէսի վրայ եւ ասաց. «Աղուէս ախպէր, ո՛ւր ես էստեղ երգար նստի, կարծես մէ բանի ես սպասում»: Աղուէսը կմկմալով պատասխանեց. «Հա՛, դու հիւանդ ես եւ հիւանդութիւնդ էլ մահացու է. մենք էլ պարզ բան է, մսի ենք կարօտ. էրգար ժամանակ է, որ քաղցած ենք. սպասում ենք քո վերջանալուն, որ քո մսից ուտենք»: Ուղտը պատասխանեց. «Բարեկամ, ի դուր է քո մնալը, մի դուրեց դու քաղցած սատկես, տեսնում ես, որ վիզս որքան էրգար է. էս օրուանից որ հօքիս ուղի ինձնից բաժանուի, քառասուն օր կը տեւի. դու քաղցած մնալով ինձնից թէկ կը մեռնես. հիմի դու ես իմանում»:

20. Թամբալ մարդը եւ իր կինը

Մէ կին թունդրի մօտ հաց էր թխում. մարդը մօղը նստել էր եւ չէր շարժուում. կինն ինչ ասում էր. «Ա՛յ մարթ, վեր կաց, դնա էն կողմը, թող հաց թխեմ»: Թամբալ մարթն ասում էր. «Վա՛յ, վո՞ւ

է վեր կենում»: Կինը ճարը կտրած, բռնեց կարպետից եւ մարթին քաշ տալով տարաւ թնդրի միւս կողմը: Մարթը նաեւ չորս կողմը եւ ուրախութեամբ ասաց. «Ղուրթ եւն ասում օր մարթս անթեւ թըռնուն է. նոր թռնդրի էն կողմ ի, հիմի էկայ էս կողմը»:

21. Գիւղացիք եւ գումբէքը

Մէ գիւղացի իր ընտանիքով ապրում էր գումբէթածածկ տան մէջ. հին տուն էր. գումբէթը սկսաւ ճաքճաքել. նա էլ սկսեալ ցեխով ճաքերը լցնել: Մի տարի անցաւ. մի օր էլ գիւղացին դաշտումն էր. երբ տուն էկաւ, տեսաւ գումբէթը բլել էր երեսանէրի վրայ եւ ամէն էլ մեռել էին. շատ բարկացած ասաց. «Անտէրի գումբէթ, բա չկարցար մեզ լուր տէրի օր բլելում ես, որ մենք քու տակից դուս քաշուէինք»: Գումբէթը լիզու էլաւ ու ասաց. «Քանի անգամ բերանս բացայ, համա դու ցըխով լցրիր բերանս ու կապեցիր. ես տարով առաջ քեզի իմացրի, համա դու անխելք իր, չլսեցիր. վո՞ւ է մեղաւոր»:

22. Թագաւորի տղէն եւ տղանարողը

Թագաւորի տղէն մէ գիւղեր գուսը մընաց: Թագաւորն խկոյն յայտարարեց. «Ով որ տղիս այս գիւղեր ճարի եւ բերի, հինգ հարս օսկի ընծայ կը ստանայ»: Բայց տղի ճարողը ինքն իրան մտածեց. «Լաւ է, որ հոսց տանեմ եւ շատ օսկի առնեմ»: Միւս օրն տղային տարաւ ու տեց թագաւորին. իր խոստացած օսկին նա մերժեց եւ էսպէս ասաւ. «Ես խոստացել ի, որ էրէկ գիւղեր տղիս ինձ բերէիր, որ գիւղերը գուսը չը մնար. հիմի օր մէ գիւղեր գուսն է մնացի, էլ նուէր չունես»: Այդպէս անվարձ մնաց թագաւորի տղի ճարողը:

23. Առքաբն ու ծառէն

Առքաբն ծառային ասաց. «Հոսց դու պիտի էրթաս այս ինչ գեղն ու դաս»: Ծառ-

ռէն լսեց առքաբնի պատուէրը եւ գիւղերը քունը փախաւ, էլ քունը չէր տանում. ինքն իրան ասաւ. «Հիմի օր քունս չէ տանում, էրթամ առքաբնի ասած գեղն ու ես գամ»: Գիւղերով գնաց էտ գեղը եւ առւտանց ետ էկաւ. առքաբնը գեղ քնած էր: Երբ առքաբնը վեր կացաւ, նախաճաշն աւրաւ ու վերջացրեց, ծառային ասաց. «Գործերդ վերջացրուր ու շուտ գնա՛ էն գեղը, որ ասի»: Ծառան պատասխանեց. «Աղա՛, գեղ գու քնած իր օր ես գնացի եւ ետ եկայ»: Առքաբնը մէ լաւ նայեց ծառային ու ասաց. «Ապո՛ւշ, մզամ հէնց գնալ ու գալն է. չէ՞ օր բան ունէի»: Ծառն պատասխանեց. «Ձեմ իմանում, դու ասիր՝ պիտի էրթաս, ես էլ գնացի. էլ բան չեմ գիտի»:

24. Սատանէն ու աղբաղը

Սատանէն հանդիւրեց մէ աղբաղի եւ ասաց. «Որչանք ձեռք մեղնես անցուորականներին, որ մէ քանի կոպէք օգուծ տանես, արի ես քէզի մէ քիսակ կու տամ, որ միշտ քու մօտ պահես ու միջիցը օրական մէ գանա օսկի վեկալնես, էտ քիսակի միջի օսկին չի պոծնուի. որչանք ժուզ որ ուզես, օրական մէ օսկին գուս կու գայ: Քիսակը հէնց քէզի, համա մէ շառթ կայ, երբ որ ուղէցար էտ օսկիներիցը քէզի հըմար ծախսես, աւալ պիտի քիսակն էրես»:

Աղբաղը հե շառթը դարուլ արաւ ու քիսակը սատանի ձեռքից առաւ: Ղորթ որ ամէն յիւրիգուն քիսակից մէ գանա օսկի էր վեկալնում: Էս աղբաղը տարիններ իրա աղբաղութունից ձեռք չը քաշեց եւ օրը մէ օսկին հանեց քիսակից, համա սրդից գուս չէկաւ քիսակն էրի ու քօփա օսկիքը ծախսի: Տարիններ էսէնց էկան գնացին. աղբաղը ձեռք մեկնեց մինչեւ որ մէ օր մեռաւ, գնաց ու քօփա օսկիքը մնացին, յիւրուշները տարան կերան:

Առակս էն է, որ աղբաղը իր բոլո-բոլանդակ ումը ֆաղիբութունով անցկացրեց. սրդից չէկաւ քիսակը էրի, գոնէ մէ առ ժամանակ բախտաւոր սարի:

25. Փող կորցնողը եւ չօքանը

Մէ մարթ հարուր թուման փող, ջուր խմելու ժամանակ, աղբուրի վրայ թողեց ու մտիցն ընկաւ փողը վեկալնէր: Մէ իրուշ մարթ էգեւից էկաւ, փողը վե կալաւ եւ մէ յիւրուշ ճամփով գնաց, կորաւ: Փող կորցնողը երբ միտն էկաւ, որ փողը աղբուրի վրայ է թողել, ետ էկաւ: Տեսաւ մէ չօքան իր օխչարները պառկեցրել է, ինքն էլ հաց է ուտում: Հասնելուն պէս ասաւ. «Է՛յ չօքա՛ն, փողս էս աղբուրի վրայ ջուր խմելու ժուզ մտիցս ընդել է ու կորցրել եմ. դու ես վե կալի, ետ տուր»: Միամիտ չօքանը որտեղից էր փող տեսել, համա մարթը ձեռք չէր քաշում:

Չօքանը՝ «Վալլահ-բիլլա ես չեմ տեսի, տխրէր ես լուր չունեմ»: Փողատէրը համբերութունը հատեց, տուր թէ կը տաս չօքանի գլխին. նա էլ գեղին ընդաւ ու մեռաւ: Փողատէր, դէ փախի որ կը փախչես: Էս ամէնը Մովսէս Աստուածախօսը տեսաւ, որ չօքանը նահախ սպանուեց:

Մովսէսը Աստուծուց հարց տուեց. «Տէր-Ամենակարող, էս ինչ դադաստան է, որ քո իրաւունքով էլաւ»: Տէրը պատասխանեց. «Իմ գործերն արդար են. այն մարթն, որ հարուր թուման կորցրել էր, նրա հէրը գանող մարթուն պարտական էր, էն իրա հախիին հասաւ: Էն սպանուող չօքանը փող կորցնողի հօրն էր ըստպանել: Էն էլ իր հօր արունի թախտատը հանեց: Իմ գիւղութեամբ դրանց մէջ էլ օչինչ հաշիւ չկայ. իրարու պարտական չեն»:

26. Ուղտն ու գէլը

Ուղտն ու գէլը իրանց ձաքերով մի տեղ ապրում ին: Երբոր հեռու տեղ էրթին, փաստով (հերթով) կը գին, ձաքերուն գլուխ քաշին: Էսէնց անց կեցաւ մէ քանի ժուզ: Համա գէլը երբ ուղտի փափուզ ձաքերուն տեսնում էր, բերնի ջրերն էրթում էր: Մէ օր գիւղու փաստին էր, որ գէլը ձաքերուն գլուխ քաշէր, որ չլնէր վախիլ (յանկարծ) մէ բլա գէլը խեղճ ձաքերու գլխին: Էկաւ, տեսաւ ու

էլ թաղաթ չարաւ. բռնեց ուղտի մէ չաղ ձաքին ու կէրաւ. էլ ընայեց որ ուրթում (երգում) է կերի, որ խիանաթ չանի ուղտին, ու ձաքերուն հաւասար տընդի (նայի): Երբ ետ գնաց ուղտի մօդ ասաւ. «Ուղտ ախպէ՛ր, ձաքերուցը մէկը չկայ, չեմ յիմանում ինչ է էլի»: Ուղտն ասաւ. «Իմոնցէն է, թէ քողոնցէն»: Գէլն ասաւ. «Էնց հե իմ ու քուլն էլաւ, որ տափակ որդներէն մէկը չկայ»:

27. Հարուստը եւ խեղճը

Մէ հարուստ մարթու գէղնի տակ պահած օսկիները գողցել ին գողանը: Հարուստը հա՛յ գլխին էր տալիս, միւրուքն էր քանդում, տալիս էր գլխին եւ ուղղում էր իրան սպանէր: Հէնց հե հաղաղէն մէ խեղճ ու գիւղուն մարթ անց էր կենում. հե որ տեսաւ, մօտ գնաց հարստին ու ասաւ. «Որչանք էր օսկիդ, որ գողերը տարել են»: Հարուստը մէ մենձ քար կէր իր մօդ, ասաւ. «Իստուր չանք էր»: Խեղճն ասաւ. «Քանի տարի է օսկիդ պահած էր»: Հարուստն ասաւ. «Եստուն տարի»: Խեղճը մարթը քարը վեկալաւ, դրեց օսկու տեղը, հողը ածաւ գլխին ու ասաւ. «Օսկին եստուն տարի է քէզի ինչ պէտք է էկի, որ հիմի գայ: Ախէր ո՛ւր ես քեզի սպանում: Քեզի անպէտք էր օսկին, ոնց որ էս քարը, քանի որ հողի տակն է մնացի, չէ էս օսկին, չէ քարը»:

28. Մանասէր քեռին

Մանասէր քեռին գնաց Ջուղա ու մէ քանի օրից ետ էկաւ: Շատերը գնացին գիւղանի (տեսութեան): — «Ի՞նչ կայ, չը կայ քաղաք, Մանասէր քեռի» հարցրին մէ քանիսը: Մանասէր քեռին ասաւ. «Բա չասէք, տէրութունը քառսուն դանա մօլէքին բոնել է տուել»: — «Վո՞ր մօլէքին» հարցրեցին:

— «Աղա Նուր Օլլին ո՛ւ, ո՛ւ, ո՛ւ, ո՛ւ» կանգ առաւ: Հարցրին. «Քէռի՛, հե ետսուն ինը. էն մէկը վո՞ւ է...»:

(Շար. 1)

ԱՐԱՄ ԵՐԵՄԵԱՆ